



partii naleraq

Nuuk 25. oktober 2018
UKA2018/153
Hans Enoksen Partii Naleraq

Apeqquteqaat aallaavigalugu Inatsisartuni oqallisissatut siunnersuut, nunatsinni sulisussaaleqisalerup anigorniarnissaa qanoq iliorluta aaqqissavarput?

(Inatsisartuni ilaasorta q Múte Bourup Egede, Inuit Ataqtigiit)

Inatsisartunut ilaasorta q Múte Bourup Egede Inuit ataqtigiit oqallisissiatut saqqummiussa qarpoq nunatsinni sulisussaaleqisalerup anigorniarnissaa pillugu saqqummiussa qarlungi tamannalu Partii Naleqqamiit oqaaseqarfigissavarput.

Nunatsinni sulisinnaasut tamarnik sulisorineqarnissaat, aammalu sulisussatut atorluarneqarnissaat ataatsimoortumik aqqutissiuttariaqalerparput, imaassanngilarmi uagutsinnut aallaaviginata nuna manna ilusilersussagipput, tamannalu illuanut saatsittariaqalerparput, nunammi inuui aallaavigalugit ilusilersuisariaqartugut takusinnaalertariaqarparput.

Nunammi saniligut imminnut aallaavigalugit aaqqissuipput, tamannalu tupinnanngilluinnartoq takusarpagut, taamaattuminguna nunaminni aningaasat amerlanerusut kaaviaatsilersimagaat, imminnut aallavigamik, nuannaartunartumillu ingerlanerat malittariaqalerparput.

Amerlasuutigut sulisussaaleqilertarneq tusaraangatsigut tamatigut eqqarsaarunarpagut aalisakkerivinnik sulisussanik amigaateqartarneq, tamannalu ilumoorpoq uggorluinnartumik aasap ulluini pisassat maneruttorfiini sulisussaaleqisarneq tamatsinnut ilungersunartuusarpoq tassami niuernerminni tunngavigut taamaattoqarnerani assut eqqornerlunneqartarmata.

Sooruna sulisussaaleqilertartugut, uffalu amerlasuunik sulisinnaasunik peqaraluarluta. Ajorluartumik sulisussaaleqinerup ilarpassui immitsinnut inorsitsaarluta aaqqissuussinitta sunnertarpaatigut pissutsillu pitsaanerulissappata uagutsinnut inorsitsaarnerput allanngorluinnartariaqalerpoq.

Assersuut sooruna aalisartorpassuit ilinniarsimasut tamakkiisumik atunngikkigut, sooruna aqumiut inuttallu nunaqavissut tamakkisumik atunngikkigut. Kalaallit ilinniarsimasuutigut amerlasoorpassuarnik misilittagaqanngitsutut nalilersorneqartarput, taamatullu nalilersoriarlugit avataaniit tikerartitsilersarpugut, tamannalu ajorluinnarpoq.

Aningaasammi pisariaqartippagut taamaattumik piumasaqaatinik sukanganerulersitsinissarput aaqqissuttariaqalerparput maani ilinniarsimasuutigut tamakkiisumik atorluarneqartariaqarput.

Ungasinngitsukkut inuit atassuteqartarfianni Facebook-imi takuara ilinniarluaarsimasoq allasimasoq ”ukiut arlallit ilinniarluaarelunga atorfininniarlunga qinnuteqartuaraluarlunga tiguneqarneq ajorpunga misilittagaqanngitsutut nalilersorneqartarlunga” tassalu nunatsinni ilinniarsiit akimanersaanni ilimarfimmi ilinniarsimasup allagaa, taava susoqartoruna ilinniaqqoriarlugit ukiuni

arlarinni ilinniartut akilersoriarlugit misilittagaqannginnerarlugit kalaallit ilinniarsimasutigit taamak oqarfigineqartarnerat akuersaarunnaarniartsigu. Akerlianik tikisittarpassuit allaffissornermi tikerartippagut taakkulu taamak oqarfigineqarneq ajorput, illit misilittagaqanngilatit uffalu inuiaqatigiit kulturiat oqaatsigullu ilisimanngikkaat, qaa silattulaarniarta ilagut nunap inui ilinniarsimasutigit sullinniartigit ikiorlugillu.

Miseratigineqarsinnaanngilaq aamma sulisussaaleqisarnermut tunngaviulluinnarmata aningaasarsiatigit inissisimasarneq, inupparujussuit akissarsiat minnerpaartaanik SIK malillugu akissarsiaqarlutik sulipput, oqaannaraanni ilaatigit imminut akilersinnaanngitsumik suleruloortinneqartarlutik.

Taamatut oqarneq ajuusarnaraluarpoq, tassami takujuannarparput suliamut naapertuutinngitsumik akissarsiaqartitsisoqartoq, akissarsiammi annerpaartaat illumut attartornermut nakkartinneqartarput, ilaqutariit arlariinnik merartallit eqqorneqartarput ilungersunartumik, suleruloornerit akissarsiallu mikivallaarnerat aamma inuppassuit nukissaaruffigisaraat malunnarluartarmat.

Taakkuinnaanngillat inuiaqatigiit suliffeqarfiussui A/S-iunertik pissutigalugu iluanaarutaat annertuallaalinnginnersut eqqartortariaqalerparput, inuuniarnikkut akilertakkatta qaavatigit akit qaffasippallaarujussuurtumik akilersorpagut, qaa ataatsimut eqqartuiniarta qanoq akikillisaasoqarnissaa siunnerfigalugu. Tassami akissarsiakereersut qaaffatigit suli aamma nammagassinneqartarput.

Taakkununga akissarsiakitsunut immaqa pitsaaneruinnaarluni pisortaniik ikiorneqarluni sulinnikkaluarluni inuunissaq, taamaattumik inuit inuuniarnermikkut atugaat qissimigaarlugit aaqqissuinissat sukkanerusumik tikittariaqalerpagut, sulisinnaasummi ikiliartuinnartut aningaasalersugassagullu annertusiartuinnartut assagut sarliannassagutsigit ajutoornissarput ornipparput.

Malitassat sukanganerusut ikiorneqaannarnissamik eqqarsartitsisut peertariaqarput. Pisinnaatitaaffiit kisiisa ujarsinnaanngilagut, aamma inuiaqatigiinnut pisussaaffeqarnerput takutitariaqalerparput ikiorneqarnissaannaq allat kisiisa isumalluutugalugit pisinnaanngilagut inuiaqatigiinnut pisussaaffeqartugut aamma tamatta ilisimasariaqalerparput.

Soorunami ikiorsigassat ikiorserneqassapput imaanngitsoq pisinnaasut peqqissullu sulisinnaasut tamaasa ikiuinnassagigut sulisussaaleqinermi tamarmik sulissapput sulinerlu tulluusimaarutissanngortariaqarpoq inuianni maani najugalinnut tamanut.

Sulinerup imminut akilersinnaasunngornissaat ataatsimooruttariaqalerparput. Akissaqanngilagut sulisinnaasut peqqissullu ikiuinnassagutsigit imminut napatinnerulernissaq anguniarlugu sukaterisariaqalerpugut.

Kisianni aamma avataaniit suliartortut suli ukiorpassuarni pinngitsoorsinnaanngilagut, aammalu avataaniit tikerarlutik suliartortut mattunniarsinnaanngilagut, kisiannili killiliiniarsinnaavugut. Isumaqarpugullu tikisitatta ilaat pinngitsoorsinnaagaluarigut Partii Naleqqamiit isumaqarlunnarpugut.

Taamatut oqaaseqarluta oqallisissiatut siunnersuut isummorsorfigaarput.